

PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na ___ sjednici Predstavničkog doma, održanoj _____ 2009. godine i ___ sjednici Doma naroda, održanoj _____ 2009. godine, usvojila je

ZAKON O IZMJENI ZAKONA O MINISTARSTVIMA I DRUGIM ORGANIMA UPRAVE BOSNE I HERCEGOVINE

Član 1.

U Zakonu o ministarstvima i drugim organima uprave Bosne i Hercegovine («Službeni glasnik BiH», broj: 5/03, 42/03, 26/04, 42/04, 45/06 i 88/07) u članu 12. stav 1. alineja 10. mijenja se i glasi:

„ - staranje o pravima i pitanjima izbjeglica i osoba pod supsidijarnom zaštitom u BiH nakon utvrđivanja njihovog statusa.“

Član 2.

Ovaj Zakon stupa na snagu osmog dana od dana objavljivanja u «Službenom glasniku BiH».

PS BiH broj _____
_____ 2009. godine
Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE

Prijedloga Zakona o izmjeni Zakona o ministarstvima i drugim organima uprave Bosne i Hercegovine

a) Ustavno-pravni i zakonski osnov

Ustavni osnov za donošenje ovog zakona sadržan je u članu III. 1. f) Ustava Bosne i Hercegovine, prema kojem su pitanja imigracije, izbjeglica i azila u nadležnosti institucija BiH, a u vezi sa članom IV. 4. a) Ustava Bosne i Hercegovine, prema kojem je Parlamentarna skupština BiH, na osnovu Ustava BiH, nadležna za donošenje zakona. Pravni osnov za donošenje ovog zakona sadržan je i u članu 120. stav (6) Zakona o kretanju i boravku stranaca i azilu („Službeni glasnik BiH“, broj: 36/08).

b) Razlozi za donošenje Zakona

Zakon o ministarstvima i drugim organima uprave Bosne i Hercegovine ("Službeni glasnik BiH", broj: 5/03, 42/03, 26/04, 42/04, 45/06 i 88/07) definiše da je Ministarstvo za ljudska prava i izbjeglice BiH nadležno za staranje o pravima i pitanjima izbjeglica u Bosni i Hercegovini nakon utvrđivanja njihovog statusa.

Stupanjem na snagu Zakona o kretanju i boravku stranaca i azilu („Službeni glasnik BiH“, broj: 36/08) pored staranja o pravima i pitanjima izbjeglica u Bosni i Hercegovini nakon utvrđivanja njihovog statusa Ministarstvo za ljudska prava i izbjeglice BiH je dobilo u nadležnost i staranje o pravima i pitanjima osoba sa priznatim statusom supsidijarne zaštite u BiH.

Na osnovu člana 120. stav (6) Zakona o kretanju i boravku stranaca i azilu („Službeni glasnik BiH“, broj: 36/08) Ministarstvo za ljudska prava i izbjeglice BiH, u saradnji sa Ministarstvom civilnih poslova BiH i Ministarstvom bezbjednosti BiH, licima kojima je priznat izbjeglički status ili status supsidijarne zaštite osigurava pravo na rad, obrazovanje, zdravstvenu i socijalnu zaštitu, kao i ostala prava propisana ovim članom kojima se omogućava integracija ovih osoba u toku trajanja priznatog statusa.

S tim u vezi potrebno je izvršiti izmjenu Zakona o ministarstvima i drugim organima uprave Bosne i Hercegovine, na način kako je to predloženo.

c) Način izvršenja zakona

Način ostvarivanja prava koja proističu iz pomenutih važećih zakonskih propisa uređena su podzakonskim aktima donijetim od strane Ministarstva za ljudska prava i izbjeglice BiH u toku 2008. godine i početkom 2009. godine. S tim u vezi, u proteklom periodu objavljeni su: Pravilnik o načinu ostvarivanja zdravstvenog osiguranja i zdravstvene zaštite osoba kojima je priznata izbjeglički status ili drugi vid međunarodne pravne zaštite u Bosni i Hercegovini („Službeni glasnik BiH“, broj: 24/07), Pravilnik o ličnom stanju i upisu činjenica rođenja, vjenčanja i smrti izbjeglica i osoba pod međunarodnom zaštitom u Bosni i Hercegovini („Službeni glasnik BiH“, broj: 51/07), Pravilnik o načinu ostvarivanja prava na obrazovanje osoba kojima je priznata međunarodna zaštita u Bosni i Hercegovini („Službeni glasnik BiH“, broj: 67/08), Pravilnik o načinu ostvarivanja prava na rad osoba kojima je priznata međunarodna zaštita u Bosni i Hercegovini („Službeni glasnik BiH“, broj: 83/08) i Pravilnik o načinu ostvarivanja prava na socijalnu zaštitu osoba kojima je priznata međunarodna zaštita u Bosni i Hercegovini („Službeni glasnik BiH“, broj: 3/09).

e) Potrebna finansijska sredstva za provođenje Zakona

Za provođenje ovog zakona planirana su sredstva u budžetu Ministarstva za ljudska prava i izbjeglice BiH.